


Runatam kaynata Dios kamachirqa: Huertapi llapallan sachapa ruruntam mikunki, allin kaqta chaynataq mana allin kaqtapas reqsinapaq sachapa ruruntam ichaqa ama mikunkichu, mikuruspaykiqa wañurunkipunim, nispa.


19



Chaymantam Dios nirqa: Manam allinchi qaripa sapallan kayninga, yanapaqintayá ruwarapusaq, nispa. Hinaspanmi allpamanta unanchasqan animalkunata Adanman Dios pusamurqa, Adaññataqmi llapallan animalkunata suticharqa. Runaqa chayna anchapas yachayniyuqmi karqa, chaywanpas Adanpa vida pasaq masin hinaqa manam


alton pawaq urpikunapipas nitaq purun animalkunapipas tarikurqachu.

20



Chaymi Adanta Dios sinchita puñurachirqa. Puñunankam huknin costillanta hurqoruspan huk warmita unanchaykurqa. Diosmi chay warmita unancharqa Adanpa vida pasaq masin kananpaq.

21




Soqta punchawpim tukuy imakunatapás Dios unancharqa. Qanchis kaq punchawtañataqmi sapaqchaspan samana punchaw kananpaq akllaykurqa. Adanwan warmin Evam Edén sutiuyq huertapi yacharqaku, chaypim Diosta kasukuspanku ancha kusisqa kawsakurqaku.

22



Diosmi paykunapa Taytanku karqa, paytaqmi kusisqa kawsakunankupaq tukuy imatapás qorqa, chayraykum Dioswan huklla kawsarqaku.

23




Diospa tukuy imakunatapás unanchasqanmanta

Kay willakuyqa Diospa siminpa utaq Chuya Qellqapa partenmi

Kay willakuyimi tarikun

Génesis qellqapa qallariy kaq rakinmanta iskay kaq rakinkama

"Simikimanta yachachikuykunaqa achkirinmi." Salmo pachak chunka isqonniyuq rakimpa pachak kimsachunkan patachaynin



Diosqa yachanmi mana allinkuna ruwaq kasqanchikta, chaykunatam "hucha" nispa sutichan. Huchallikuq runaqa wañuywan castigasqam kanqa.

Diosqa ancha-anchatam kuyawanchik, chayraykum churin Jesusta kachamurqa, chaynapi huchanchikmanta castigasqa kanachikta cruzpi wañuspan paganapaq. Jesusqa wañusqanmanta kawsariramuspanmi hanaq pachaman kutikurqa. Payraykum huchanchikkunata Dios pampachawanchik.

Sichum huchaykikuna qepanchayta munaspaqa Diosta kaynata mañakuy: Dios Taytallay, Jesusmi ñoqarayku wañurqa, wañusqanmanta kawsariramuspanmi kunanqa wiñaypaq kawsakuchkan. Mañakuykim kawsayniyman yaykuykamuspa huchaykunata pampachaykunaykipaq, chaynapi musoq kawsayniyuqña kaspay qanwan wiñaypaq kawsakunaypaq. Churiki hina kawsanaypaq yanapykuway. Amén. Juan 3:16

Kunanqa Diospa churiniñam kanki, chaynaqa Chuya Qellqatayá qatipay hinaspa paywan sapa punchaw parlay.

Ayacucho Quechua



Diospa tukuy imakunatapás unanchasqanmanta

Kaytam qellqaykamurqa Edward Hughes
Dibujonkunatam ruwaykamurqa
Byron Unger; Lazarus


Siminchikmanmi tikraykamurqa
Hugo Garay Auccpuclla
Warmakunapaq hinam tupaykachimurqa
Bob Davies; Tammy S.

Soqtachunkamanta punta kaq willakuy

M1914.org


Bible for Children, PO Box 3, Winnipeg MB R3C 2G1 Canada

Autorizasqam kankichik kay yachachikuykunata mirachispa hukkunaman chayachinaykichikpaq, ichaqa manam imaraykupás rantikuwaqchikchu.



¿Pitaq unanchawarqanchik? Chuya Qellqa utaq Diospa siminmi willawanchik imaynam runakuna paqarisqanmanta. Tukuy imapas unanchasqanpa qepantam, punta kaq runata Diosninchi unancharqa, hinaspanmi Adán nispa suticharqa.


1



Diosmi Adanta ñutu allpamanta ruwarqa, hinaspanmi kawsayta senqanpi pukuykuptin kawsarqaña. Adanmi Edén sutiuyq huertapi yacharqa.


2

Manaraq Adanta paqarichichkaspanmi, kay pachata Diosninchik unancharqa hinaspammi tukuy suma-sumaq kaqkunawan huntaykurqa.



3


Orqokunatapas pampakunatapas, miskillaña asnariq waytakunatapas, hatun sachakunatapas, tukuy rikchaq urpichakunatapas, miskita ruwaq abejachakunatapas, qasqonpa puriq animalkunatapas, allpapi puriq animalkunatapas lamar qochapi animalkunatapas Diosmi atiyinwan



ruwarqa. Chaynatam Diosqa tukuy imakunatapas unancharqa.


4

Tukuy imapa qallariyiniqpa, manaraq imatapas Dios unanchaptinqa, manam imapas karqaraqchu. Runakunapas chaynataq tukuy imakunapas manam karqaraqchu aswanqa Diosllam.




5

Manam achkipas nitaq tutayaypas karqachu, nitaqmi achikyaypas nitaq tutaykuypas karqachu aswanqa Diosllam. Payqa mana qallariyiniyuq nitaq tukupayniyuqmi. Paymi tukuy imakunatapas ruwayta qallaykurqa. Tukuy imapa qallariyiniyim hanaq pachakunatawan kay pachata Dios unancharqa.



6

Kay pachaga mana imayuq hatun chaqwm karqa, tutayaypa hinaspammi uku-uku lamar qochapa pampasqanmi karqa, ...




7

... Diospa Espiritunñataqmi yakukunapa hawanpi muyurqa.



8

Diosmi nirqa: Achkiy kachun, nispa. Hinaptinmi achkiy karqa. Diosmi achkiyta "Punchaw" nispa suticharqa, tutayaytañataqmi "tuta" nispa. Hinaptinmi tardeykuyanta paqarinnintin tardeykuykama punta kaq punchaw karqa.



9

Iskay kaq punchawpim, lamar qochapi yakukunamanta altomanta chayamuq yakukunata rakinarqa. Kimsa kaq punchawpiñataqmi chaki allpa rikurinanpaq Dios kamachirqa, hinaptinmi chayna karqa.



10

Diosmi kamachikurqa pastokunawan waytakuna hinaspammi sachakuna rikurinanpaq, chaymi paqarirqaku. Hinaptinmi tardeykuyanta paqarinnintin tardeykuykama kimsa



kaq punchaw karqa.

11

Chaymantam intitawan killata hinaspammi manaña yupay atina chaskakunata Dios unancharqa. Hinaptinmi tardeykuyanta paqarinnintin tardeykuykama tawa kaq punchaw karqa.




12

Chaymantam lamar qochapi challwakunata hinaspammi alton pawaq urpikunata Dios unancharqa. Pichqa kaq punchawpim tukuy rikchaq challwakunata chaynataq rikchaq mana urpikunatapas unancharqa.



13

Chay challwakuna unanchasqanwanmi lamar qochapi yakukunatawan allpa pachapi yakukunata huntaykurqa, llapa urpikunawanñataqmi allpa pachata huntaykurqa, chaynatam kay pachata tukuy rikchaq animalkunawan huntaykurqa. Hinaptinmi tardeykuyanta paqarinnintin tardeykuykama pichqa kaq punchaw karqa.




14

Chaymantam Dios nirqa: Allpamanta paqarimuchun castanman hina tukuy rikchaq animalkuna, nispa. Hinaptinmi tukuy rikchaq animalkuna, pawaq urukuna, qasqonpa puriq urukuna rikurimurqa. Castanman hinam llasa-llasaq elefantekunapas, allpata uchkuq castorchakunapas, tukuy rikchaq monokunapas, manchakuypaq cocodrilocunapas, utuskuruchakunapas, chaynataq wiskachachakunapas rikurimurqa. Diosmi chay punchawpi tukuy rikchaq animalkunata unancharqa.



15

Hinaptinmi tardeykuyanta paqarinnintin tardeykuykama soqta kaq punchaw karqa.




16

Hina soqta kaq punchawpim, tukuy imam unanchasqanpa hawanpi munaychakuqta unancharqa. Runata manaraq unanchachkaspanmi paypaq tukuy imata allicharqa.



17

Chaymantam Dios nirqa: Runatayá ruwasun ñoqanchikman rikchakuqta, ñoqanchik kaqllata; chaynapi kay pachapi tukuy imam unanchasqapa hawanpi munaychakunapaq, nispa. Chaynatam runata kikinman rikchakuqta Dios unancharqa.



18